



Broj: 02-11-801-5/25

Fojnica: 22.05.2025.godine

Na osnovu člana 64. stav (1) točka b), člana 72. stav (3) točka a) Zakona o javnim nabavkama BiH („Službeni glasnik BiH“, broj: 39/14, 59/22 i 50/24), člana 39. Statuta Općine Fojnica – Prečišćeni tekst („Službene novine Općine Fojnica“, broj: 2/15) na preporuku Komisije za provođenje postupka javne nabavke Općinski načelnik donosi

ODLUKU

o dodjeli ugovora drugorangiranom ponuđaču za javnu nabavku robe, ogrjevnog drveta (bukovo ili grabovo)

Član 1.

Ugovor za javnu nabavku robe, ogrjevnog drveta (bukovog ili grabovog) dodjeljuje se drugorangiranom ponuđaču „AJNUR-DRVO“ d.o.o. Kreševo, ID broj: 4236600750001, ponuda broj: 1 od 28.04.2025. godine, za ponuđenu cijenu u iznosu od 22.000,00 KM bez PDV-a.

Član 2.

Izabrani ponuđač je dužan po prijemu ove Odluke dostaviti novi obrazac za cijenu ponude sa umanjenjem cijene nakon provedene E-aukcije kao i dokaze o ispunjavanju uslova iz člana 45. stav (2) Zakona o javnim nabavkama BiH u roku od 5 (pet) dana od dana zaprimanja ove Odluke.

Član 3.

Ovom Odlukom stavlja se van snage Odluka o izboru najpovoljnijeg ponuđača, broj: 02-11-801-4/25 od 09.05.2025. godine kojom se Ugovor o nabavci robe, ogrjevnog drveta (bukovog ili grabovog) dodjeljuje drugorangiranom ponuđaču „AJNUR-DRVO“ d.o.o. Kreševo.

Član 4.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno Zakonu o javnim nabavkama BiH.

O b r a z l o ž e n j e

Postupak javne nabavke robe, ogrjevnog drveta (bukovo ili grabovo) pokrenut je Odlukom o pokretanju postupka javne nabavke, broj: 02-11-801/25 od 09.04.2025. godine.

Javna nabavka je provedena putem Konkurentskog zahtjeva, broj: 02-11-801-1/25 od 10.04.2025. godine, sa namjerom provođenja E-aukcije.

Procijenjena vrijednost predmetne javne nabavke bez PDV-a je 30.000,00 KM.

Obavijest o javnoj nabavci broj: 546-7-1-14-3-16/25 objavljena je na Portalu javnih nabavki 10.04.2025. godine, a i Tenderska dokumentacija je objavljena na portalu javnih nabavki.

Shodno odredbama 64. Zakona o javnim nabavkama BiH kriterij za dodjelu ugovora po Konkurentskom zahtjevu je najniža cijena tehnički zadovoljavajuće ponude.

Nakon isteka roka za dostavljanje ponuda evidentirano je da je u roku pristiglo sedam ponuda, i to:

1. „IMAV-S“ d.o.o. Fojnica
2. „SHS KAĆUNI“ d.o.o. Busovača
3. „DRVOPROX“ d.o.o. Sarajevo
4. „DRVOPLAST“ d.o.o. Busovača
5. „AJNUR-DRVO“ d.o.o. Kreševo
6. „ŠUMA-ŠPED“ d.o.o. Fojnica
7. „TOVARIŠTE“ d.o.o. Fojnica

Komisija za javne nabavke je blagovremeno i pravilno izvršila otvaranje ponuda i ocjenu istih, te utvrdila da su ponude ponuđača pod rednim brojem 1., 2., 3. 4. i 5. formalno uredne, odnosno sadrže svu traženu dokumentaciju, dok je ponuda pod rednim brojem 6. „TOVARIŠTE“ d.o.o. Fojnica i ponuda ponuđača pod rednim brojem 7. „ŠUMA ŠPED“ d.o.o. Fojnica nepravilne, iz razloga što isti nisu dostavili dokaz o uredno izvršenim ugovorima u posljednjoj godini koji su u vezi sa predmetnom nabavkom, u smislu kako je traženo tačkom 11.2 Tenderske dokumentacije.

Tačkom 29. Tenderske dokumentacije prdviđena je E-aukcija. Ista je zakazana za dan 05.05.2025. godine.

Nakon E-aukcije utvrđeno je da je bilo podnošenje ponuda od strane pet ponuđača.

Komisija je zatim utvrdila konačnu rang listu ponuđača koji su učestvovali u E-aukciji, kako slijedi:

Konačna rang lista ponuđača koji su učestvovali u E-aukciji					
R.broj	Naziv ponuđača	IDB/JIB	Konačna cijena u KM bez PDV-a	Umanjena cijena	Rang
1.	„SHS Kaćuni“ d.o.o. Busovača	4236729790000	21.750,00	24,35%	1
2.	„AJNUR-DRVO“ d.o.o. Kreševo	4236600750001	22.000,00	26.66%	2
3.	„DRVOPROX“ d.o.o. Sarajevo	4202790280004	24.950,00	16.83%	3
4..	„IMAV S“ d.o.o. Fojnica	4236655490009	25.000,00	16,67%	4
5	„DRVOPLAST“ d.o.o. Busovača	4236119700009	29.875,00	0%	5

Uzimajući u obzir naprijed navedeno Komisija je dala preporuku ugovornom organu da ugovor zaključi sa ponuđačem „SHS KAĆUNI“ d.o.o. Busovača, čija ponuda iznosi 21.750,00 KM bez PDV-a, u postupku javne nabavke robe, ogrjevno drvo (bukovo ili grabovo), s obzirom da je navedeni ponuđač ponudio najnižu cijenu tehnički zadovoljavajuće ponude.

Kako izabrani ponuđač „SHS KAĆUNI“ d.o.o. Busovača nije dostavio dokaze o ispunjavanju uslova traženih tenderskom dokumentacijom u postupku po Konkurentskom zahtjevu za dostavu ponuda, u roku od 5 (pet) dana od dana zaprimanja obavještenja o rezultatima postupka javne nabavke, ugovorni organ je postupio u skladu sa članom 72. stav (3) tačka a) Zakona o javnim nabavkama BiH i ugovor dodijelio drugorangiranom ponuđaču, kako je navedeno u članu 1. ove Odluke.

POUKA O PRAVNOM LIJEKU

Protiv ove Odluke dozvoljena je žalba Uredu za razmatranje žalbi, putem Ugovornog organa u pisanoj formi na način i u roku propisanom članom 99. i 101. Zakona o javnim nabavkama BiH.

Dostavljeno:

1. „SHS Kaćuni“ d.o.o. Busovača
2. „AJNUR-DRVO“ d.o.o. Kreševo
3. „DRVOPROX“ d.o.o. Sarajevo
4. „IMAV S“ d.o.o. Fojnica
5. „DRVOPLAST“ d.o.o. Busovača
6. „ŠUMA-ŠPED“ d.o.o. Fojnica
7. „TOVARIŠTE“ d.o.o. Fojnica
8. Evidencija
9. A/a



OPĆINSKI NAČELNIK

Sabahudin Klisura, dipl. ing.